

Солунь град управляяй будет воевода,
Избери человека от честного рода.

Максимиан

Кого же имам избрати, сами изберите,
Помыслите, кто будет годен, ныне возвестите.

Велможа 2-й

Есть зде человек Янус, разсуден и честен,
Сей граду воевода пребудет нелестен,
Той наших богов с нами купно почитает
И твое властелинство зело величает.

Максимиан

Добре, пригласиш его, да аз слышу слово,
Янусу воеводство у меня есть готово.

Велможа 1-й

Аз давно о нем слышах, человек избранный,
Мудрый, в вере нашей зело постоянный.

Максимиан

Лепо, мне таков нужен, такового желаю,
Не он ли то грядет, уведать желаю.

Велможа 1-й

Он есть, о нем же объявляю.

Максимиан

Любовно его и аз к себе принимаю.

Воевода

Здравствуй, Максимиане преславно державный,
Благосердием твоим всему миру явный.
На повелении ти текох немедленно,
Тя, моего господина, творить повеленно.

Максимиан

Друже, любы Янусе, внемли моей раде,
Буди ты воевода в Солуне граде.

Воевода

Господине мой честный, сей дай сан иному,
Аз неприобычен есмь делу таковому.

Максимиан

Не разсуждай ты сего, но примай все смело.
Бози ти помощницы будут делом дело (зело ?).

Воевода

Буди по воли богов и по твоей воли,
Скланяюся на слова аки поневоли.